

Lelaki didenda memiliki syabu

MIRI: Seorang lelaki didenda RM3,500 atau empat bulan penjara oleh Mahkamah Majistret di sini, semalam setelah disabitkan bersalah memiliki dadah berbahaya jenis syabu.

Tertuduh, Abdul Muqtadir Abdul Aziz, 37, dari Jalan Mimosa di sini, terdahulu mengaku bersalah atas pertuduhan yang dibacakan di bawah Seksyen 12 (2) Akta Dadah Berbahaya (ADB) 1952 dan boleh dihukum di bawah Seksyen 12 (3) akta yang sama.

Jika sabit kesalahan, tertuduh boleh didenda sehingga RM100,000 atau penjara tidak melebihi lima tahun atau kedua-duanya sekali.

Berdasarkan keterangan kes, tertuduh bukan sebagai seorang yang diberi kuasa di bawah ADB 1952, didapati memiliki dadah berbahaya jenis Methamphetamine (syabu) seberat 0.33 gram.

Dia didakwa melakukan kesalahan itu pada jam 1.10 petang, 1 April lalu di hadapan sebuah kedai makan di Jalan Kwang Tung di sini.